



UNIVERSITÄTS-
BIBLIOTHEK
PADERBORN

Universitätsbibliothek Paderborn

De Ecclesiasticorum Vita, Moribus, Officiis Libri Tres

Schevichavius, Gisbertus

Mogvntiae, Anno M.DC.XXI.

Cap. CXXVII. Ritvs Et Ceremoniæ Ecclesiæ Clericis accurate perdiscendæ,
& pie obeundæ.

urn:nbn:de:hbz:466:1-42349

ram ejus in aurem insuffurrabat, quæ dicturus erat. Et ut habet Ioannes Diaconus l. 4. vitæ S. Gregorii cap. 6. Paulus Diaconus familiarissimus eius super caput ipsius tractantis Spiritum sanctum in similitudine columba frequentissime perspexit. Et cap. 70. Hinc & spiritus sanctus specie columbae super scribentis Gregorii caput depingitur.

§. Laudat ob hoc Thessalonicenses 1. epist. cap. 1. vers. 13. & pro iis Deum Apostolus. Ideo, inquit, & nos agimus gratias Deo sine intermissione; quoniam cum accepistis à nobis verbum auditu Dei, accepistis illud, non ut verbum hominum, sed (sicut est vere) verbum Dei, qui operatur in vobis, qui credidistis, id est, tam reuerenter & honorifice tanta deuotione audistis & recepistis verbum Dei, ut probaretis esse Dei doctrinam, & ab ipso Deo auditum putaretur, ut S. Patres commentatores explanant.

*Absoluta
concione
quid faci-
endum.*

§. A concione præstandum quod monet S. Aug. conc. 1. in Psalm. 103. *Quæ audiistis cogitate, quæ mandastis ruminare, sic enim eritis munda animalia.* Sicut beata Virgo conseruabat omnia verba conferens in corde suo Luc. 2. v. 19. & 52. Ex quo fonte sui Euangelii initium hausit S. Lucas. Beati ait Dominus Luc. ci. ver. 28. *qui audiunt verbum Dei & custodiunt illud.*

C A P. CXXVII.

RITVS ET CEREMONIAE ECCLESIAE

*Clericis accuratè perdiscenda, & pie
obseruanda.*

*Quæ cere-
moniarum
utilitates.*

§. **S**acras Ceremonias & externos ritus, qui diuino adhibentur officio, probè sciant, & decenter exerceant. 1. Sunt n. internæ pietatis testimonia. 2. Sunt diuinorum mysteriorum documenta. 3. Sunt spectatorum ad religionem excitamenta. 4. Sunt Ecclesiarum ornamenta, quibus ipsius disciplina, concordia, honestas conseruatur.

§. Atq; his de causis ceremonias ab Apostolis ipsius
vlt.

usurparas & traditas esse docet S. Dionys. Areopag. de Eccles. hier. c. 1. à medio Concil. Trid. sess. 22. c. 5. Nec mirum, cum ab ipso liberatore nostro eas esse adhibitas ipsi viderint, vt quod oculos in cælum sustulerit Matt. 14. v. 19. Ioan. 11. v. 41. q. elata voce clamarit Luc. 5. v. 8. & c. 23. v. 46. Ioan. 11. v. 43. q. insufflauit in discipulos Ioan. 20. v. 22. q. eleuatis manib. iis benedixerit. Luc. 24. v. 50. Et etiam in vno curando surdo & muto quot caeremoniis vsus est? Apprehendens eum, ait S. Marc. c. 7. v. 35. de turba seorsum misit digitos suos in auriculas eius, & expuens tetigit linguam eius & suspiciens in cælum ingemuit, &c.

Saluator
caeremoniis
vsus.

§. Quam v. S. Caeremoniarum obseruatio ipsi grata sit declarat Deus Eze. 44. v. 15. 16. Sacerdotes a. & Leuitæ filii Sadoc, qui custodierunt caeremonias sanctuarii mei, cum errarent filii Israel à me, ipsi accedent ad me vt ministrent mihi: & stabunt in conspectu meo, vt offerant mihi adipem, & sanguinem, ait Dominus Deus. Ipsi ingredientur sanctuariū meū, & ipsi accedent ad mensam meā vt ministrent mihi, & custodiant caeremonias meas. Gen. 26. v. 5. Benedicentur in semine tuo oēs gentes terræ, cō q. obedierit Abraham vocī meæ, & custodierit præcepta & mandata mea & caeremonias, legesq. seruauerit. 3. Reg. 2. v. 3. Et obserua custodias Domini Dei tui, vt ambules in viis eius, vt custodias caeremonias eius, & præcepta eius, & iudicia, & testimonia, sicut scriptū est in lege Moysi: vt intelligas vniuersa quæ facis & quocūq. te verteris. Omnia, inquit Apostolus 1. Cor. 14. v. 40. honeste & secundum ordinem fiant.

Externorū
rituū vsus
Deo acceptus.

§. Existimant v. nostra tempestate Sectarii se posse & Catholicorū manib. tanq. Herculis clauā extorquere & Caeremonias vnico illo Saluatoris dicto Ioan. 4. v. 21. in errorem veni hora & nunc est, quādo veri adoratores adorabunt Patrem in spiritu & veritate. Sensus est: Præsto est tempus quo pū Deū adorabunt nō in falsitate, vt Samaritani, nō in ymbra & figura vt Iudæi, sed in vero de Deo sensu & fide, in clarissima rerū adumbratarū luce, in Spiritus S. gratia, fide, spe, charitate, & qui ex his proficiuntur

Nouantes
errant, &
mittūt sœci
duces cæcorum.

*Hæreticorum
interpreta-
mentum re-
soluitur.*

actibus. Nouatores absolute Spiritum interpretantur, ut à corpore distinguitur, & actum animæ tantum spiritualem significat : Si autem hæc est adoratio in Spiritu, certe quando Paulus ad Eph. 3. adorabat dicens : *Huius rei gratia genua flecto ad Patrem*, in Spiritu non adorabat : genuum enim flexio corporis est, non animæ ; Nec etiam adoratio erat in Spiritu illa Petri Actor. 9. quando submittens quoque genua orauit ; Nec illa Confessio erit in Spiritu, de qua dicitur Rom. 10. *Ore confessio fit ad salutem* : Nec erat illa manuum impositio in Spiritu sancto Act. 8. ubi dicitur : *Imponebant manus super illos, & accipiebant Spiritum sanctum*. Nec prædicatio Pauli erat in Spiritu, quia corporea res erat : Non igitur adoratio in Spiritu excludit actus corporis : nam 1. Corinth. 12. operationes spiritus varias distinguit Paulus, quæ corporeæ sunt : ut interpretatio sermonum, opera virtutum, genera linguarum, gratia sanctorum, & ad Rom. 12. *siue ministerium in ministrando, qui docet in doctrina, qui exhortatur in exhortatione, qui tribuit in simplicitate*, & multa alia ibi numerata 1. Cor. 12. *Psallam spiritu, psallam mente*, quæ omnia in Spiritu sunt, & fiunt, & multa corporalia opera Paulus exhibuit in Euangelio prædicando, de quibus dicit ad Roman. 1. *Testis est mihi Deus, cui serui in Spiritu meo in Euangelio*.

§. Concludamus ergo non excludi opera externa per adorationem spiritus, quando ea fiunt, & procedunt ex interiori spiritu, fide, dilectione, & gratia. Eleemosynæ ergo, peregrinatio, jejunium, & reliqua, quæ ex fide, dilectione, pœnitentia procedunt in Spiritu fiunt, & in Spiritu adoramus, & seruimus Deo, quando hæc sic facimus.